



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Cvnibertvs Ep. 12. Novembris.

urn:nbn:de:hbz:466:1-42032

antehabuit, primumque in epulo poculum prae-
bibens non Imp. Maximo, sed Sacerdoti suo por-
rexit. Quin ipsam Imperatricem famulam ad
mensam habuit, & tum haec se basilicè vixisse pu-
tauit, cum micis, quas reliquas fecit MARTINVS,
vesci potuit. Orci praestigiatorem, qui Christum
ementitus, caetera habitu regio illi se obtulit, ita
delusum dimisit, ut diceret, alium nullum Chri-
stum se nosse, praeter crucifixum. Venienti ad se
cum Imp. Valentinianus assurgere negligeret, fa-
cere hoc assurgens è sede flamma coegit. Extre-
mum aeger in fugam iterum daemone malum
egit, uti lubens moriturus, ita ad majores labores,
si Numini placeret, porro victurus. Sed placuit
huic MARTINVM inter beatarum mentium plau-
sus cantusque ad se evocare. Conditionis tamen
suae memor, non nisi cineri incubans mori voluit.
At ex hoc cinere suus caelo Phoenix prodit. *Ex
Sulp.*

*Ecce Redemptori minimè sufficit, quod in extre-
mo judicio dicturum se perhibuit. Quod fecisti uni
de fratribus his meis minimis, mihi fecisti; nisi
ante judicium demonstraret, qua quisque nunc bo-
na opera indigentibus exhibet, ei haec specialiter im-
pendi, cuius haec amore exhibuerit. S. Greg. hom.
39.*

S. CVNIBERTVS EP. 12. Novembris.

Vtrumque CVNIBERTVS, & qui adolescens
rapere in se oculos possit. & quid amare
oculi in adolescente debeant, docebit. Nam si è
pulchro corpore gratior venit virtus, gratissima
è CVNIBERTO venerit necesse est, adolescentulo,
in quo & forma rara, & indoles elegans, & mo-
res suavissimi certamen de palmâ videntur susce-
pisse.

Mequidem iudice his omnibus imperavit
 ultima in generoso adolescente animi demissio,
 quā nobilissimus æqualium suorum flosculus ad
 infima etiam obsequia descendere non erubuit,
 neque jam aut calceos purgare, aut purgatos in-
 ducere aliis abhorruit. Talis facile regis Dago-
 berti (cujus inter ephebos agebat) oculos cepit,
 tunc præsertim, cum dormienti cælum inusitatâ
 luce advigilare perspexit. Nam post hoc ipsorum
 Superum testimonium non potuit quin castissimè
 amplexatus dulcissimeque deosculatus CYNIBER-
 TVM in filium rex adoptaret. Sed ambivit nobilio-
 rem hereditatem cæli capax animulus, mundoque
 valere iusso, Deo & aris se addixit. Ab his ad Pon-
 tificatum Coloniensem euectus est, bonis utique a-
 ribus, quando sacrificantis caput ambire candidissi-
 ma è cælo columba visa est. Obiit cæli delictum,
 & amor civium, anno DCLXIII. & amare se vicis-
 sim hos mortuus ostendit, cum grassantem urbe ig-
 nem, & jam D. Petri basilicam expugnantem, pres-
 sit domuitque. Neque mirum hoc nobis videtur, ma-
 jores & Veneris flammæ puer jam vicit. *Ex Surio.*

*His qui ex Deo sunt, omni te obedientiâ & hu-
 militate substerno, ut qui in te Christum querunt,
 Christum inveniant, & in mansuetudine, quam
 exterius viderint, auctorem mansuetudinis in tua
 mentis folio præsidere deprehendant. S. Pet. Dam. l. 9
 c. 6. Epist. 30.*

S. MAXELLENDIS V. M. 13. Novembris.

S Vpra & sexum & ætatem MAXELLENDIS Ca-
 smeracensis virguncula sapuit, crepundia
 tata, quidquid magnum orbis oculis ostentat, & ge-
 neroso fastidio omnia terræ nauseans, uni cælo

Aa 2

atci.